

## Tèsàlònikà

ǒ Kànìsà tò Pòlò andí ɔyò rí kisé nǐ bhàruwà

**Yàrí** bhàruwà ò ì nòtù ádròdrǒ dhu tí dhu

Uvitatále Pòlò náandí ndì Tèsàlònikà tó kigò ǒ kànìsà tò ka kandí ɔyǒ bhàruwà. Kǎngɛ ndì kànìsà ɔyò rí Ídzi Màkǔrù t'únɔta tó pbìndà abhi isě abhi ǒ (Kas 17.1-9).

Tèsàlònikà tó kigò ǒ kànìsà ǒ ì nǐ ní Pbàyàhúdì mà ábhǒ ìnzǐ ní Pbàyàhúdì mànà. Pòlò andí dhu abádhí tò mbèmbè imbò kumì atɔ ùdà Yèsù Krístò ka kùgù dhu-dzidǒ rórò.

**Yàrí** ɔyò rí kisé bhàruwà ò Pòlò àdu ndàndí dhu ní iwà ndì ndóvò wemberè tó pbìndà bhàruwà ò dhu. Kàsùmì àdì ndàmbe ùda tí ùda dǒ rǒ, pbàkrístò-tsi náava ndì atdíǒ ìnzǐ Ádrùngbǎle Yèsù ríngò dhu nǐ. Tèsàlònikà ǒ atdíchená ale nóowúnà àtìná rǒ ndì Ádrùngbǎle bhà ìdho ráká iwà (2.2). Ngùkpà ale nóowúnà dhu ìrè rǒ 'àtì ìnzá dhu ráká kònzǐ kasu ìnzá òtrò ìdho ǒ kà ríngò nídhunǐ (3.6-12). Nírò, Pòlò rǐ ndì ndúdhèna dhu àngǎ atdíǒ. Kà rǐ dhu òvɔ Kàgàwà rǒ òmvù, Nzéré ale nyú tí ka kátina ale nàndà dhu dǒ. Ndì ale rǐ ndìtɔ angyinǎ rò Krístò ríngò dhu tò (2.3-4). Ndirò, Pòlò rǐ pbàkrístò-afí àbhǔ ròtsi ɔbì ndàtì Ádrùngbǎle rǎrǐ ìnzǐ arí ùnɔ ndì ndùnò dhu núbha ìnzá ndì ndònzǐ rórò ale. Ní kà rǎrǐ abádhí àbhǔ ròtsi ɔbì, ndàdù abádhí òdò pǒmvo Sitanì rǒ rǒ (3.3).

**Bhàruwà-nyitì** ka kóhù tí dhu

- Pòlò rǐ Tèsàlònikà tó kigò ǒ pbàkrístò nóvì dhu (1.1-2).
- Ndì ndíngò rò Ádrùngbǎle Yèsù nóɔtdíya ìngbàtí ìlì ndì ale-ànyà obhónanga dǒ dhu (1.3-12).

- Inzá Ádrùngbàlè Yèsù àpè ndàdù dhu mà, Kà ríngò iwà Nzére ale nyú tí ka kátina ale ítò ndì dhu-dzidò dhu màna (2.1-12).
- Pbakrístò àkă ikò pòtsó fíyó a'uta ò dhu (2.13-17).
- Pbakrístò àkă 'àbhù ì atdíđò itsòta tò dhu mà, abádhí àkă 'ònzì kasù fíyó ípìrònga nòdò tí dhu màna dhu (3.1-15).
- Pòlò rí ndìtsò Tèsàlònìkà ò pbakrístò đò ndàdù abádhí nóvì dhu (3.16-18).

Pòlò rí Tèsàlònìkà tó kigò ò Kànìsà nóvì dhu

<sup>1</sup> Ima Pòlò, atdíkpá Sílìvanù mà Tìmòtewù màna, mà màndí yàrí bhàruwà fùkù Tèsàlònìkà tó kigò ò Kànìsà tírò. Nyí ní àlè t'Ábanà Kàgàwà mà, àlè tó Ádrùngbàlè Yèsù Krístò màna bhà ale. <sup>2</sup> Ndi àlè t'Ábanà Kàgàwà mà, àlè tó Ádrùngbàlè Yèsù Krístò màna nákă 'àso nyí, 'àdù nyàbhù nyòkò màrùngà ò.

Pòlò rí Tèsàlònìkà ò kànìsà nílè fíyó a'uta-okú dò rò dhu

(Màt 13.40-43; 25.31-45; Fìl 1.3-6,27-30; 1Tè 1.3-7)

<sup>3</sup> Adódù, mà màkă mǒngò òtsò àdu bìlìnganà Kàgàwà tò okúkù dò rò. Ní, dhu àkă àlè rònzì ka ndì dhu bhèyi tí, fùkú a'uta rí ndisè, nyí nyóze nyí nǐ nzínzìkù ò àze ràdù àmbè ndise đò nídhuní. <sup>4</sup> Ndi dhu-okú dò rò ní ndì mà mǎrí mìlè okúkù dò rò Kàgàwà bhà kànìsà ò. Mà mǎrí mìlè átò, nyí nyíkò pòtsó, nyàmbè fùkú a'uta nóđò đò, àpè mà avuta màna-dzi t'ónđuta ò nídhuní.

<sup>5</sup> Wò dhu bhèyi nyí nyónzina dhu ní ndì rí dhu àvì, Kàgàwà rítđiya kóró ale-ànyà obhónánga đò, ndàdù nyòzù iwà nyí nyàkànà nyòtsù yà nyí nyárí àpè àbà okúna dò rò pòndà ádrùngbànga tó idzi ò ale tí. <sup>6</sup> Obhó tí, Kàgàwà ní obhónánga đò arí ìndrù-ànyà nítđì ale.

Ní, kǎvùya átò yà rùkú arávu aɛ-rǒ. <sup>7</sup> Ndirò nyí, yà rùkú ka karávu rò, àě kadùya àbàna nyí mànà atdíkpá ní àpbè ǒ rò àě kí àě àsò dhu, yà Ádrùngbǎɛ Yèsù rǐ ndìtè òrù-akpà ò rò ì íwu pbìndà ádrùngbǎnga tó ɔbi tó màlàyíká mànà nínganí. <sup>8</sup> Kǐraya ádrùngbǎ kàzu ǒ, ndàdù yà ìnzá Kàgàwà núnì aɛ-ànyǎ nítdì. Ndirò kítdi ya yà ìnzá Ádrùngbǎɛ Yèsù bhà Ídzì Mákùrù nífu aɛ-ànyǎ átò. <sup>9</sup> Fìyó nzéɛnga tó pɛɛ tǐ, abádhí núuwíya dhòdhódhonganà, ì ròkò itsɛ nyú Ádrùngbǎɛ Yèsù rǒ rò, ndirò kàbhà ɔbi tó ádrùngbǎnga tó awáwù rǒ rò màtǐ. <sup>10</sup> Ndi dhu ɔnziya ndì Yèsù rǐngo ndìní pbìndà aɛ-tsí nílè tǐ ndì, ndì ná'ù aɛ kóró ràdù ndìfu nínganí. Nyí nyí'íya ì aɛ nzínzì ǒ átò, iwà nyí nya'u fùkù mà muno ɔɛ nídhunǐ.

<sup>11</sup> Ndi dhu-okú dò rò ní ndi, mà mǎrí mǐtsò bìlìnganà okúkù dò rò, ndìní àě tó Kàgàwà nóozú tǐ nyí pbìndà anzita nà àkǎ aɛ tǐ. Ndirò mà mǎrí mǐtsò ndìní pbìndà ádrùngbǎnga tó ɔbi nǐ kǎbhù tǐ nyí nyárí atdyúna òho kóró ídzìnga mà, fùkú a'uta-kàsù mànà ràkǎ. <sup>12</sup> Ndi dhu bhèyi ní ndi, àě tó Ádrùngbǎɛ Yèsù-ɔvò rǐ ndilè okúkù dò rò, ɔvòkù ràdù ndilè átò kókú dò rò. Ndi dhu ràdù ndònzì àě tó Kàgàwà bhà ídzìnga mà, Ádrùngbǎɛ Yèsù Krístò bhà ídzìnga mànà nóokú dò rò.

## 2

*Pf*omvo ìvì nzéɛ aɛ nóonziya tdǔ Ádrùngbǎɛ Yèsù ingo rò dhu

(Màt 24.23-44; 1Yù 2.18; 4.1-3)

<sup>1</sup> Adódu, àě tó Ádrùngbǎɛ Yèsù Krístò rǐngo, ndàdù àě-tsù nándu tǐna ò òná idho dǒ, mà mìtdè nyí ìtdè tǐ: <sup>2</sup> àpé nyàbhù dùkù rìnza ndì isó tǐ nyàmbe ɔɔ ònzì dǒ yà ìndrù ràtǐna iwà Ádrùngbǎɛ Yèsù rǐngo òná idho

ràkǎ rò. Àpé nyà'u ka, ìmbǎ ka kátina pbànábí núnò dhu rǎrǐ ndi, ndirò mà múnò dhu rǎrǐ ndi, ndirò ngǎtsi nǐ, mà màndí bhàrwà rǎrǐ ndi ka núnò rò. <sup>3</sup> Àpé nyàbhū atdí ale mà rùtrǎ nyǐ ìngbǎ ófò ǒ màtí. Obhó tí, dhu àkǎ pé ìndrū rìvǎ dhu ì ròdhò Kàgàwà angyinǎ rò tdǔ ndi idho náaká rò, pfòmvo ìvì nzére ale nyú rǎdù nditè. Ndi ale ní iwà Kàgàwà utri angyangyi dhòdhódhóngà tó ove tò ale. <sup>4</sup> Ka ní òmvú, yà Kàgàwà tí ka karózùna, kadù ùlenà kóró dhu-tsí dǒ arí ndǎdzǐ orú ale. Kǎraya àhu ndi ndádi Kàgàwà bhà idza nyú ǒ, ndàdù ndàtì nditírò Kàgàwà nyú tí dhu ò.

<sup>5</sup> Nyǐ nyìrè tí obhó yà fǔkù ma mongónà òvòná àdì ma màdì nzínziku ǒ rórò dhu? <sup>6</sup> Ndirò kòmbí nyǐ nyùnì wà kà-tsù nùtò arí ìnzǐ rònzì ndi dhu. Ní kǎraya nditè pbìndà kàsùmì rǎkǎ rò tí. <sup>7</sup> Obhó tí, nzére ale bhà obi rǐ ì ìnè kasù ònzì ndi ndí ìnzá ka kùnì rórò ró. Pbétù dhu àkǎ yà kà-tsù nùtò rí kòmbí ale rìndrì pé ndi ányìrò rò. <sup>8</sup> Nírò ní ndi ndi nzére ale níitèya ndi kpangba. Ndirò, Ádrùngbǎle Yèsù náadùya kòhò ihèna nǐ, nditò kàsùna pbìndà ingota tó awáwù nǐ. <sup>9</sup> Wò ndi nzére ale níiraya pfòmvo Sitanì bhà ádrùngbǎnga tó obi nǐ. Kǒnziya kóró wìwì-tidò, dhu itè rí ize mà, ìnzá apèna 'ònzì angyi ìndrū-nzínzì ǒ dhu-tidò màná, ndùtrǎ ìndrū nǐ. <sup>10</sup> Ndirò kǒnziya kóró nzérenga-tidò, ndùtrǎ ùwí rúwí ale nǐ. † ale núuwíya ìnzá ì azè 'àkò, ndirò ìnzá ì òzè yà 'ìgu rǎdù obhóngà dhu-okú dò rò. <sup>11</sup> Ndi dhu-okú dò rò ní ndi, Kàgàwà arí abádhí rǔwí nǐ ádrùngbǎnga tó obi nívì, ndínǐ abádhí náa'u tí tìtò. <sup>12</sup> Ndi dhu bhèyi ní ndi, Kàgàwà adùya anya nítdì yà ìnzá obhóngà ná'u, pbétù 'àdù nzérenga kèlě nózè ale dǒ.

Polò rĩ Kànìsà nónzi rìkò fìyó a'uta ǒ dhu

(IPÉ 1.3-9; 5.10-11)

<sup>13</sup> Pbé̀tù mǎ'í na adó̀dù, mǎ màkǎ mǒngò ̀tsò nádu bilínganà Kàgàwà tò okúku dò rò, yà atdí̀dǒ Ádrù̀ngbǎ̀le Yèsù ózè nyí rò. Obhó tí, mùhàngú ̀ò rò Kàgàwà náapè wà nyí ̀gù tò, yà nyũ'ò rí nyí ̀lǎ nyíkpóna ǒ p̀bìndà Ìlǎ-Alafí-otù ǒ. Ndirò kǎpè nyí ̀gù tò obhóna nyí nyá'ù dhu-otù ǒ. <sup>14</sup> Kòní ì dhu tò nga ní ndi Kàgàwà únzi nyí yà fùkù mǎ múnò Ídzi Màkùrù-otù ǒ ní, ndíni nyí nyí'ya tí ngari nà àlě tó Ádrù̀ngbǎ̀le Yèsù Krístò bhà ádrù̀ngbǎ̀nga tó awáwè ̀. <sup>15</sup> Nírò adó̀dù, nyìkò pòtsó fùkú a'uta ǒ. Ndirò nyàlù yà fùkù mǎ múyǎ tsùka ǒ màtí, ndirò andítá ǒ màtí dhu mbèyi duku ̀.

<sup>16</sup> Àlě t'Ábanà Kàgàwà náaze àlě atdí̀dǒ. Ndirò p̀bìndà ídzìnga-otù ǒ, kíbhò dhòdhóhóna tó ale-afí t'ópèta mà, ídzi a'uta mànà àlě tò. Ní, àlě tó Ádrù̀ngbǎ̀le Yèsù Krístò nyú ndítirò, àlě t'Ábanà Kàgàwà mànà, <sup>17</sup> náká ì ròpè affku, 'adù nyídi kóró kàsùku mà ídzi ̀tèku mànà ǒ.

### 3

Polò rĩ itsòta nónzi Kànìsà-fó dhu

(Ròm 15.30-32; 1Tì 2.9-10; 4.11-12)

<sup>1</sup> Kùbha mǎ mí dóná rò ní adó̀dù, nyòngò nyítsò dòká, ndíni Ádrù̀ngbǎ̀le Yèsù bhà ̀te núundo tí ndi tsàkàtsàkà, kadù ìfunà kóró ngari ǒ yà fùràbvù kǎrí ndònzì dhu bhèyi. <sup>2</sup> Ndirò dhu àkǎ nyítsò nyí dòká, ndíni Kàgàwà igù tí mǎ'í ̀ròrù ndirò nzére-ale-fó rò. Obhó tí, ìnzí ní kóró ale ndi Yèsù ná'ù. <sup>3</sup> Pbé̀tù, Ádrù̀ngbǎ̀le Yèsù ní ìnzí arí ̀no ndi ndùnò dhu nyùbha ìnzá ndi ndònzì rórò ale. Ní kà rĩ nyídi, ndàdù nyòdò Nzére ale rǒ rò. <sup>4</sup> Ádrù̀ngbǎ̀le Yèsù-okú dò rò, mǎ mà'ù dhu nyí rarí fùkù mǎ múyǎ dhu ̀nzì ̀nzì, ndirò nyí rà̀ròngo

kònzì ònzì. <sup>5</sup> Ádrùngbǎle Yèsù àkǎ ndàbhũ nyǐ nyũnì ìngbǎ dhu bvũ màtí Kàgàwà ózè nyǐ dhu, ndàdũ nyábhũ nyòndũ àpbè-dzi àdhàdhì ndì ndandũ ka dhu bhèyi.

Polò rǐ dhu ùyǎ TÈsàlònikà ǒ Kànìsà tò kasũ dǒ dhu

<sup>6</sup> Adóddũ, mà mí dhu ùyǎ fũkũ àlě tó Ádrùngbǎle Yèsù Krístò-òvò rǒ: nyìndà nyǐ yà ngbǒya úyí, ìnzǐ 'àdũ yà fũkũ mà múyǎ dhu nífũ kóró ɔdhíkũ rǒ rǒ. <sup>7</sup> Nyǐ nyũnì wà dhu, nyǐ rǎkǎnà nyòkò mà mǎrí òko dhu bhèyi. Obhó tí, nzínzìkũ ǒ mà mí'ì rò, mà mókò nzá itsi nà. <sup>8</sup> Mà mónyè nzá atdí ale bhà ònyè mà tírǒrò. Pbétũ, mà mónzì kasũ ɔbì nyú nà ndirò ìngyétá mànà, kúbhingá màtí, ndirò adyíbhengá màtí, akye mà mowuna ì'ì àndé tí nzínzìkũ ǒ atdí ale dǒ màtí nǐ. <sup>9</sup> Mà mónzì wòrí dhu àzèmbè iwà nyǐ nyàkǎnà nyònzì dzùnàka rórò tí. Pbétũ, mà mazè dhu ní mǐtè nyǐ nyàkǎ nyòngò ònzìnà dhu yà mà mónzìna dhu-nyutsì. <sup>10</sup> Obhó tí, fũrǎbvũ mà mí'ì ònà kàsũmì ǒ, mà múyǎ dhu fũkũ màtì: «ìnzǐ arí kasũ ònzì ale ní rǎkǎnà nzá ndònyè dhu.»

<sup>11</sup> Mà mírì dhu, nzínzìkũ ǒ atdídhená ale-ngbò rúyí, ìnzǐ 'àmbè kasũ ònzì dǒ. Ndirò kasũ ònzì ì àmbènà rò, abádhí rarádũ 'ìtsu ngũkpà ale rǒnzìna kóró dhu ò.

<sup>12</sup> Ní, mà mònzì ì ale-tsí, màdũ dhu ùyǎ fǐyò Ádrùngbǎle Yèsù Krístò-òvò rǒ, ròwù kasũ ònzì rǒ ìyònga ǒ, 'àdũ fǐyò ònyè nyú nónyè.

<sup>13</sup> Pbétũ, nyǐ adóddũ, nyǐ nyàkǎ nzá nyǐngyě nyǐ ìdzinga t'ònzìta nǐ. <sup>14</sup> Ìnzǐ rí yà mà mùnò yàrí bhàruwà ǒ dhu nífũ ale, nǎkǎ nyũwě dònánnga, ìnzǐ nyádũ nyǐrì mànà, ndíñí nyìna adũ tí ìwu. <sup>15</sup> Àpé nyádũ nyòzũ ka òmvù tí. Pbétũ, nyǐ nyádũ dhu òvò kà tò ɔdhíkũ bhèyi tí.

Polò rǐ ndìtsò Tèsàlònikà ǒ bhà dǒ ndàdù abádhí  
nóvì dhu

<sup>16</sup> Mǎrùngà ìbho arí ìndrǔ tò Ádrùngbǎle Yěsù náká  
ndàbhù mǎrùngà ndìtírò fǔkù kóró kàsùmì ǒ ndirò  
kóró ǒfò ǒ. Ádrùngbǎle Yěsù àká ndìrǐ nyǐ mànà kóró.

<sup>17</sup> Ìma Polò, yàrí ní ndì ǒtsúdu nyú nǐ ma mǎndína  
fǔkù dhu, movì nyǐ òná. Ma marí ǒtsúdu ìlǐ ndì dhu  
bhěyi kóró bhàrùwà ò. Kànǐ ǒtsúdu-dò nyú.

<sup>18</sup> Àlě tó Ádrùngbǎle Yěsù Krístò àká ndàso nyǐ kóró.

Ungbòta-ጋwá Tá Bhǔkù

Ndrǔna: Ungbòta-ጋwá Tá Bhǔkù New Testament

copyright © 2015 Wycliffe Bible Translators, Inc.

Language: Ndrǔna (Ngiti)

Contributor: Wycliffe Bible Translators, Inc.

All rights reserved.

2020-11-19

---

PDF generated using Haiola and XeLaTeX on 30 Dec 2021 from source files dated 30 Nov 2021

abb6c630-aaf1-5647-8172-605215e8fe12